



Broj: 02-50-1-16-36/09

Sarajevo, 1. 10. 2009.

ZAPISNIK

36. sjednice Doma naroda

Parlamentarne skupštine Bosne i Hercegovine, održane 1. 10. 2009. godine

Sjednica je počela u 11 sati.

Sjednicom je predsjedavao Ilija Filipović, predsjedavajući Doma naroda Parlamentarne skupštine BiH.

Sjednici je prisustvovalo 13 delegata.

Delegati dr.Mladen Ivanić i mr.Alma Čolo opravdali su odsustvo.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija te sredstava javnog informiranja.

Dom naroda usvojio je sljedeći izmijenjeni i dopunjeni

DNEVNI RED

1. Odgovori na delegatska pitanja i delegatska pitanja;
2. Usvajanje Zapisnika 35. sjednice Doma naroda;
3. Izvještaj Zajedničke komisije oba doma o postizanju saglasnosti o identičnom tekstu Prijedloga zakona o izmjenama i dopunama Zakona o konkurenciji;
4. Prijedlog zakona o izmjenama Zakona o Sudu BiH (prvo čitanje), predlagač: Vijeće ministara BiH;
5. Prijedlog zakona o izmjenama i dopunama Zakona o Tužilaštvu BiH (prvo čitanje), predlagač: Vijeće ministara BiH;
6. Prijedlog zakona o izmjenama i dopunama Krivičnog zakona BiH (prvo čitanje), predlagač: Vijeće ministara BiH;
7. Prijedlog zakona o izmjenama i dopunama Zakona o upravnom postupku (prvo čitanje), predlagač: Vijeće ministara BiH;

8. Izvještaj o obavljenoj reviziji finansijskog izvještaja BHRT-a na dan 31.12.2008.; (revizorski izvještaj);
9. Imenovanje članova u Interresornu radnu grupu za pripremu Prijedloga zakona o izmjenama i dopunama Izbornog zakona BiH i Prijedloga zakona o izmjenama i dopunama Zakona o finansiranju političkih stranaka;
10. Izvještaj o izvršenju Plana aktivnosti za ispunjenje preostalih obaveza iz Mape puta za liberalizaciju viznog režima za period od 15.7.2009. do 7.9.2009. (materijal Vijeća ministara BiH);
11. Imenovanje ombudsmena u Instituciju ombudsmena za ljudska prava BiH (Lista kandidata Ad hoc zajedničke komisije za imenovanje ombudsmena);
12. Davanje saglasnosti za ratifikaciju Sporazuma o privilegijama i imunitetima Međunarodne agencije za atomsku energiju;
13. Davanje saglasnosti za ratifikaciju Protokola između Bosne i Hercegovine i Češke Republike o amandmanima na Sporazum između Bosne i Hercegovine i Češke Republike o unapređenju i zaštiti ulaganja, potpisan 17. aprila 2002. u Sarajevu;
14. Davanje saglasnosti za ratifikaciju Protokola o sprečavanju zagađenja voda prouzrokovano plovidbom uz Okvirni sporazum za sliv rijeke Save;
15. Davanje saglasnosti za ratifikaciju Protokola o izmjeni i dopuni ugovora o slobodnoj trgovini između Bosne i Hercegovine i Republike Turske;
16. Davanje saglasnosti za ratifikaciju Sporazuma o zajmu između Bosne i Hercegovine i Međunarodne banke za obnovu i razvoj – Drugi projekat upravljanja čvrstim otpadom;
17. Davanje saglasnosti za ratifikaciju Sporazuma o finansiranju između Bosne i Hercegovine i Međunarodne Asocijacije za razvoj (IDA) – Drugi projekat upravljanja čvrstim otpadom;
18. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica o programu finansiranja učešća Bosne i Hercegovine u ERDF evropskim programima međunarodne teritorijalne saradnje „Jugoistočna Evropa“ i „Mediterran“ na osnovu instrumenata za pretpristupnu pomoć (IPA), komponenta prekogranične saradnje za 2008. godinu;
19. Davanje saglasnosti za ratifikaciju Sporazuma između Vijeća ministara BiH i Vlade Savezne Republike Njemačke o finansijskoj saradnji u 2007. godini.

Ad. 1. Odgovori na delegatska pitanja i delegatska pitanja

Odgovore na delegatska pitanja dobili su:

Slobodan Šaraba, na pitanje postavljeno na 32. sjednici Doma naroda.

Adem Ibrahimašić, na pitanje postavljeno na 32. sjednici Doma naroda.

Delegati Slobodan Šaraba i Adem Ibrahimpašić izjasnili su se da nisu zadovoljni dobivenim odgovorom.

Delegat Dušanka Majkić postavila je sljedeće pitanje Ministarstvu odbrane BiH:

1. Na osnovu kojeg zakonskog osnova je pomoćnik ministra odbrane Ahmet H. Omerović sačinio Odluku o korištenju helikoptera OSBiH, br. 06-sl-2-741/09, od 14. 8.2009., kojom je predloženo da se reisu Islamske zajednice Mustafi Ceriću odobri njegovo korištenje? Kako je taj čin sankcioniran u MO? Molim detaljnu pisanu informaciju o tome.
2. Kako je došlo i ko je odgovoran za izazivanje skandala od strane pripadnika Oružanih snaga BiH iz Bihaća isticanjem barjaka Islamske vjerske zajednice na poligonu Manjača? Šta je Ministarstvo preduzelo da se takvi slučajevi više ne dogode? Kako su sankcionirani vinovnici tog incidenta?

Delegat Slobodan Šaraba postavio je dva pitanja, i to Ministarstvu za ljudska prava i izbjeglice BiH i Graničnoj policiji BiH:

1. Pitanje Ministarstvu za ljudska prava i izbjeglice BiH

Da li Ministarstvo za izbjeglice i raseljena lica planira da u 2009. godini izdvoji dio sredstava za popravku kuća povratnika na području općine Ravno i, ako planira, u kolikom iznosu?

2. Pitanje Graničnoj policiji BiH:

Kada će Granična policija BiH izgraditi objekat za smještaj svog osoblja u Trebinju i time uštedjeti godišnje 36.000 KM koliko se plaća privatnoj firmi za zakup poslovnih prostorija?

Delegat Hazim Rančić postavio je sljedeće pitanje Vijeću ministara BiH:

Da li je tačno da Bosna i Hercegovina nema ni faktički ni ugovoreni reciprocitet u pogledu sticanja prava vlasništva na nekretninama ni s Republikom Slovenijom ni s Republikom Hrvatskom?

Delegat dr. Mladen Ivanić poslao je pitanje u pisanoj formi koje je pročitano na sjednici a upućeno je Upravi za indirektno oporezivanje BiH:

Zamolio bih Vas da mi dostavite pisanu informaciju o uvozu fiskalnih sistema u Republiku Srpsku i Bosnu i Hercegovinu.

Osim cijena na ulaznim fakturama, potrebno je dostaviti naziv preduzeća koje je vršilo uvoz kao i ukupnu količinu i vrijednost uvezenih fiskalnih kasa (sistema) za 2008. i 2009. godinu.

Ad. 2. Usvajanje Zapisnika 35. sjednice Doma naroda

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Hazim Rančić.

Delegat Hazim Rančić ukazao je na grešku prilikom konstatiranja rezultata glasanja o Inicijativi Sulejmana Tihića za preispitivanje odluke o smjeni pomoćnika direktora SIPA-e Dragana Lukača.

Naime, „za“ je glasalo sedam (iz Federacije BiH), „protiv“ dva (iz Federacije BiH) i četiri delegata bila su „suzdržana“ (iz Republike Srpske). S obzirom da nije bilo entitetske većine, pristupilo se usaglašavanju u Kolegiju Doma kao komisiji. Saglasnost nije postignuta, pa se pristupilo drugom krugu glasanja. U drugom krugu glasanja „za“ je glasalo sedam (iz Federacije BiH), „protiv“ dva (iz Federacije BiH) i četiri delegata bila su „suzdržana“ (iz Republike Srpske). Predsjedavajući Doma naroda je, nakon glasanja, konstatirao da je Inicijativa Sulejmana Tihića odbijena a zapravo je, u skladu s navedenim rezultatima, **usvojena.**

Predsjedavajući Doma naroda konstatirao je da će Inicijativa Sulejmana Tihića biti uvrštena u dnevni red sjednice Doma naroda kada predlagač dostavi materijale te je zatražio da se greška prilikom konstatiranja rezultata glasanja ispravi i u Zapisniku 35. sjednice Doma naroda.

Nakon toga, Dom naroda jednoglasno je usvojio Zapisnik 35. sjednice Doma naroda.

Ad. 3. Izvještaj Zajedničke komisije oba doma o postizanju saglasnosti o identičnom tekstu Prijedloga zakona o izmjenama i dopunama Zakona o konkurenciji

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno **je usvojio** Izvještaj Zajedničke komisije oba doma o postizanju saglasnosti o identičnom tekstu Prijedloga zakona o izmjenama i dopunama Zakona o konkurenciji pa je samim tim Zakon **usvojen**.

Ad. 4. Prijedlog zakona o izmjenama Zakona o Sudu BiH (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Hazim Rančić, Dušanka Majkić, Sulejman Tihić, Slobodan Šaraba, dr.Božo Ljubić, Božo Rajić, Ivo Miro Jović, Drago Ljubičić, Branko Zrno, dr.Hilmo Neimarlija, Zoran Koprivica, Ilija Filipović, Adem Ibrahimpašić i ministar pravde BiH Bariša Čolak.

"Za" Prijedlog zakona glasalo je osam delegata iz Federacije BiH a „protiv“ su bila četiri delegata iz Republike Srpske. S obzirom da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti). Potom je u drugom krugu glasanja, sa osam glasova „za“ iz Federacije BiH i četiri glasa „protiv“ iz Republike Srpske, Prijedlog zakona o izmjenama Zakona o Sudu BiH **odbijen**.

Ad. 5. Prijedlog zakona o izmjenama i dopunama Zakona o Tužilaštvu BiH (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

"Za" Prijedlog zakona glasalo je osam delegata iz Federacije BiH, a „protiv“ su bila četiri delegata iz Republike Srpske. S obzirom da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti). Potom je u drugom krugu glasanja, sa osam glasova „za“ iz Federacije BiH i četiri glasa „protiv“ iz Republike Srpske, Prijedlog zakona o izmjenama i dopunama Zakona o Tužilaštvu BiH **odbijen**.

Ad. 6. Prijedlog zakona o izmjenama i dopunama Krivičnog zakona BiH (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Hazim Rančić, Slobodan Šaraba, Zoran Koprivica, Branko Zrno, ministar pravde BiH Bariša Čolak i Ivo Miro Jović.

"Za" Prijedlog zakona glasalo je osam delegata iz Federacije BiH a „protiv“ su bila četiri delegata iz Republike Srpske. S obzirom da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti). Potom je u drugom krugu glasanja, sa osam glasova „za“ iz Federacije BiH i četiri glasa „protiv“ iz Republike Srpske, Prijedlog zakona o izmjenama i dopunama Krivičnog zakona BiH **odbijen**.

Ad. 7. Prijedlog zakona o izmjenama i dopunama Zakona o upravnom postupku (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio u prvom čitanju** Prijedlog zakona o izmjenama i dopunama Zakona o upravnom postupku.

Ad. 8. Izvještaj o obavljenoj reviziji finansijskog izvještaja BHRT-a na dan 31.12.2008.; (revizorski izvještaj);

Predsjedavajući Doma naroda otvorio je raspravu o ovoj tački dnevnog reda. U raspravi je učestvovala Dušanka Majkić.

Dom naroda **jednoglasno je usvojio sljedeći zaključak:**

„Dom naroda razmatrat će Izvještaj o reviziji poslovanja BHRT-a za 2008. godinu, nakon što ga dostavi Ured za reviziju institucija BiH u oktobru 2009.“

Ad. 9. Imenovanje članova u Interresornu radnu grupu za pripremu Prijedloga zakona o izmjenama i dopunama Izbornog zakona BiH i Prijedloga zakona o izmjenama i dopunama Zakona o finansiranju političkih stranaka

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

U Interresornu radnu grupu za pripremu Prijedloga zakona o izmjenama i dopunama Izbornog zakona BiH i Prijedloga zakona o izmjenama i dopunama Zakona o finansiranju političkih stranaka, Dom naroda imenovao je delegate: **Hazima Rančića, Iliju Filipovića i Dušanku Majkić.**

Dom naroda usvojio je i sljedeći zaključak:

„Ovlašćuje se Centralna izborna komisija BiH da, kao nosilac posla, pristupi aktivnostima formiranja Interresorne radne grupe za izmjenu i dopunu Izbornog zakona BiH i Zakona o izmjenama i dopunama Zakona o finansiranju političkih stranaka.”

Ad. 10. Izvještaj o izvršenju Plana aktivnosti za ispunjenje preostalih obaveza iz Mape puta za liberalizaciju viznog režima za period od 15.7.2009. do 7.9.2009. (materijal Vijeća ministara BiH)

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Ivo Miro Jović, Hazim Rančić, Drago Ljubičić i Branko Zrno.

Dom naroda je, s deset glasova „za“ i jednim „suzdržanim“ glasom, **usvojio** Izvještaj o provođenju Plana aktivnosti za ispunjenje preostalih obaveza iz Mape puta za liberalizaciju viznog režima za period od 15. 7. 2009. do 7. 9. 2009.

Nakon izjašnjavanja o Izvještaju, delegati su pristupili glasanju o Prijedlogu zaključka delegata Ive Mire Jovića. "Za" Prijedlog zaključka glasalo je sedam delegata iz Federacije BiH a „suzdržana“ su bila četiri delegata iz Republike Srpske.

Zbog nedovoljne entitetske većine obaviti će se usaglašavanje u Kolegiju Doma kao komisiji.

**Ad.11. Imenovanje ombudsmena u Instituciju ombudsmena za ljudska prava BiH
(Lista kandidata Ad hoc zajedničke komisije za imenovanje ombudsmena)**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Božo Rajić.

Dom naroda je, sa osam glasova „za“, jednim glasom „protiv“ i dva „suzdržana“ glasa, **imenovao Nives Jukić** za ombudsmena u Instituciji ombudsmena za ljudska prava BiH.

Prije prelaska na razmatranje sljedećih tačaka dnevnog reda, predsjedavajući Doma naroda predložio je da se Dom izjasni o tome da se davanje saglasnosti za ratifikaciju za sve navedene tačke objedini, što je jednoglasno usvojeno.

Predsjedavajući Doma naroda otvorio je raspravu o ovim tačkama dnevnog reda. Nije bilo delegata prijavljenih za raspravu. Dom naroda jednoglasno je dao saglasnost za ratifikaciju:

Ad.12. Sporazuma o privilegijama i imunitetima Međunarodne agencije za atomsku energiju;

Ad.13. Protokola između Bosne i Hercegovine i Češke Republike o amandmanima na Sporazum između Bosne i Hercegovine i Češke Republike o unapređenju i zaštiti ulaganja, potpisan 17. aprila 2002. u Sarajevu;

Ad.14. Protokola o sprečavanju zagađenja voda prouzrokovano plovidbom uz Okvirni sporazum za sliv rijeke Save;

Ad.15. Protokola o izmjeni i dopuni ugovora o slobodnoj trgovini između Bosne i Hercegovine i Republike Turske;

Ad.16. Sporazuma o zajmu između Bosne i Hercegovine i Međunarodne banke za obnovu i razvoj – Drugi projekat upravljanja čvrstim otpadom;

Ad.17. Sporazuma o finansiranju između Bosne i Hercegovine i Međunarodne Asocijacije za razvoj (IDA) – Drugi projekat upravljanja čvrstim otpadom;

Ad.18. Sporazuma o finansiranju između Bosne i Hercegovine i Komisije Evropskih zajednica o programu finansiranja učešća Bosne i Hercegovine u ERDF evropskim programima međunarodne teritorijalne saradnje „Jugoistočna Evropa“ i „Mediterran“ na osnovu instrumenata za pretpristupnu pomoć (IPA), komponenta prekogranične saradnje za 2008. godinu;

Ad.19. Sporazuma između Vijeća ministara Bosne i Hercegovine i Vlade Savezne Republike Njemačke o finansijskoj saradnji u 2007. godini.

Sjednica je završena u 14,40 sati.

Sastavni dio ovog zapisnika je neautorizirani transkript 36. sjednice Doma naroda.

**SEKRETAR
DOMA NARODA**

Marin Vukoja.

**PREDSJEDAVAJUĆI
DOMA NARODA**

Ilija Filipović, dipl. iur.